

ხელშეკრულება N 164
სახელმწიფო შესყიდვის შესახებ
(გამარტივებული შესყიდვა)
(CPV – 39200000)
(CPV – 39500000)
(CPV – 39800000)

ქ. თბილისი

14 ნოემბერი 2019 წელი

ა(ა)იპ „თბილისის საბავშვო ბაგა-ბაღების მართვის სააგენტო“, შემდგომში წოდებული „შემსყიდველად“, წარმოდგენილი დირექტორის კახაბერ გვანცელაძის სახით, და შპს „ფრესკო შოპინგ ცენტრი“, წარმოდგენილი მისი კორპორატიული გაყიდვების სამსახურის უფროსის მაკა ჯანდიერის სახით, შემდგომში წოდებული „მიმწოდებლად“, მოქმედი საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ საფუძველზე ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 ხელშეკრულება სახელმწიფო შესყიდვის შესახებ (შემდგომში „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „საქონელი“ – წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 წინამდებარე ხელშეკრულების საგანია შემსყიდველის მიერ მიმწოდებლისაგან ხელშეკრულების ღირებულების ფარგლებში CPV – 39200000 - ავეჯის აქსესუარები; CPV – 39500000 - ქსოვილის ნივთები; CPV – 39800000 - საწმენდი და საპრიალებელი პროდუქცია) - საქონლის შესყიდვა, დანართი N1-ის შესაბამისად.

3. ღირებულება

- 3.1 ხელშეკრულების ღირებულება შეადგენს 1612,35 (ათას ექვსას თორმეტი ლარი და 35 თეთრი) ლარს, დღგ-ს ჩათვლით.
- 3.2 მხარეთა შეთანხმებით დასაშვებია ხელშეკრულების საერთო ღირებულების შეცვლა.
- 3.3 ხელშეკრულების ღირებულების პარამეტრების (ერთეულის ფასის) შეცვლა დაუშვებელია, თუ ამ ცვლილების შედეგად იზრდება ჯამური ღირებულება ან უარესდება ხელშეკრულების პირობები

შემსყიდველი ორგანიზაციისთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

3.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

3.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

4. მხარეთა ვალდებულებები

4.1 მიმწოდებელი ვალდებულია:

ა) მიმწოდებელმა მიაწოდოს შემსყიდველს ხელშეკრულებით გათვალისწინებული საქონლი დანართი N1-ის შესაბამისად.

ბ) განიხილოს შემსყიდველის პრეტენზიები და მიაწოდოს მოტივირებული პასუხი ნებისმიერ სადაო საკითხებზე;

4.2 შემსყიდველი ვალდებულია:

ა) დროულად აცნობოს მიმწოდებელს გაწეულ საქონლის მიწოდებასთან დაკავშირებული ხარვეზების შესახებ;

ბ) გადაიხადოს ხელშეკრულების ღირებულება.

გ) განახორციელოს ამ ხელშეკრულებით მასზე დაკისრებული სხვა ვალდებულებები.

5. საქონლის ხარისხი და გარანტია

5.1 საქონლის ხარისხი უნდა შეესაბამებოდეს არსებულ სფეროში დადგენილ სტანდარტებს და დანართი N1-ში აღნიშნულ მაჩვენებლებს.

6. ხელშეკრულების შესრულების კონტროლი (ინსპექტირება)

6.1. შემსყიდველი საქონლის მიწოდებიდან 10 დღის განმავლობაში იტოვებს უფლებას განახორციელოს კონტროლი ან/და გამოცდა, რათა დარწმუნდეს მათ შესაბამისობაში ხელშეკრულებით გათვალისწინებულ ტექნიკურ პირობებთან (ინსპექტირება).

6.2 მიწოდებული საქონლის შესაბამისობის შემოწმება ვიზუალური, ტექნიკური ან/და დოკუმენტური მეთოდით ხელშეკრულების პირობებთან.

6.3 შემსყიდველის შესაბამისი წარმომადგენელი უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია წერილობითი შეტყობინებიდან 2 (ორი) დღეში გამოასწოროს წუნი ან თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება დაუბრუნოს შემსყიდველს აღნიშნული საქონლის ღირებულება.

6.4 თუ ამ მუხლის 6.3 პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

7. საქონლის მიღება_ჩაბარების წესი

7.1 საქონლის მიღება დასტურდება შემსყიდველს და მიმწოდებელს შორის მიღება-ჩაბარების აქტის გაფორმებით.

7.2 შემსყიდველი უფლებამოსილია განაცხადოს უარი დაგვიანებულ ან უხარისხო საქონლის მიღებაზე. ასეთ შემთხვევაში შემსყიდველი თავისუფლდება ხელშეკრულების ღირებულების გადახდის ვალდებულებისაგან.

7.3 საქონლის მიღებას აწარმოებს ა(ა)იპ „თბილისის საბავშვო ბაგა-ბაღების მართვის სააგენტოს“, თანამშრომელი.

8. ანგარიშსწორების ფორმა და ვადები

8.1 ანგარიშსწორება მოხდება წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად, ფაქტიურად მიღებული საქონლის, მიღება-ჩაბარების აქტის გაფორმებიდან 10 დღის ვადაში, წარმოდგენილი ანგარიშ-ფაქტურის საფუძველზე. თუ კი ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

8.2 ანგარიშსწორების ვალუტა _ ლარი

8.3 ანგარიშსწორების ფორმა _ უნაღდო.

8.4 ხელშეკრულების ღირებულების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში.

9. მხარეთა პასუხისმგებლობა

9.1 ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ბრალეული მხარე დაზარალებულ მხარეს აუნაზღაურებს დოკუმენტალურად დადასტურებულ მიყენებულ ზიანს, საქართველოში მოქმედი კანონმდებლობით დადგენილი წესით.

9.2 მიმწოდებელი პასუხს აგებს მისთვის დაკისრებული ვალდებულებების სათანადო შესრულებისათვის და ვალდებულია აანაზღაუროს მისი ქმედებით დამდგარი ყველა სახის ზიანი.

9.3 მიმწოდებლის მიერ მისი ვალდებულებების შეუსრულებლობის ან არასათანადოდ შესრულების შემთხვევაში მას ეკისრება პირგასამტებლო შეუსრულებელი ვალდებულების ღირებულების 0,07% ოდენობით ყოველ ვადაგადაცილებულ დღეზე.

9.4 საჯარიმო სანქციების გადახდა არ ათავისუფლებს დამრღვევ მხარეს ხელშეკრულებით ნაკისრი ვალდებულებების შესრულებისგან.

10. შესყიდვის ობიექტის მიწოდების პირობები

10.1 შესყიდვის ობიექტის მიწოდებას უზრუნველყოფს მიმწოდებელი საკუთარი ხარჯებით.

10.2 მიმწოდებელი ვალდებულია შესყიდვის ობიექტის მიწოდება უზრუნველყოს ხელშეკრულების თავში მითითებული თარიღიდან არაუგვიანეს 2019 წლის 30 ნოემბრის ჩათვლით შემსყიდველის მოთხოვნის შესაბამისად.

10.3 შესყიდვის ობიექტის გადაცემა მოხდება სასაქონლო ზედნადებისა და მიღება-ჩაბარების აქტის საფუძველზე, რომელშიც აღინიშნება შესყიდვის ობიექტის ზუსტი დასახელება, მისი რაოდენობა, ფასი და სხვა აუცილებელი ინფორმაცია.

10.4 წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული საქონლის მიწოდების 10.2 პუნქტით გათვალისწინებული ვადების გადაცილების შემთხვევაში ან 6.3 პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტებლო შესაბამისად ყოველ ვადაგადაცილებულ დღეზე ხელშეკრულების ღირებულების 0.07%-ის ოდენობით.

10.5 საქონლის მიწოდების ადგილია ქ. თბილისი, მიცკევიჩის ქ. 29-29ა, მე-3 სართული, ა(ა)იპ თბილისის საბავშვო ბაგა-ბაღების მართვის სააგენტო.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

მუხლი 14. ხელშეკრულების მოქმედების ვადა.

14.1 წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2019 წლის 31 დეკემბრის ჩათვლით.

მუხლი 15. ფორს-მაჟორი

15.1 წინამდებარე ხელშეკრულებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მიმწოდებელისა და/ან შემსყიდველის შეცდომებსა და დაუდევრობასთან. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.2 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

15.3 ფორს-მაჟორული სიტუაციის 10 დღეზე მეტი ხნით გაგრძელების შემთხვევაში მხარეები უფლებამოსილნი არიან ცალმხრივად შეწყვიტონ ხელშეკრულება, რაც დაუყოვნებლივ უნდა ეცნობოს მეორე მხარეს.

16. ინტერესთა კონფლიქტი

16.1 შემსყიდველის მხრიდან ხელშეკრულებაზე ხელმოწერი პირი `სახელმწიფო შესყიდვების შესახებ` საქართველოს კანონის მე-8 მუხლის შესაბამისად, წინამდებარე ხელშეკრულებაზე ხელმოწერით ადასტურებს, რომ მისი მონაწილეობა ხელშეკრულებით გათვალისწინებულ შესყიდვის პროცედურაში არ იწვევს ინტერესთა კონფლიქტს.

17. სხვა პირობები

17.1 მხარეთა შორის სადაო საკითხები წყდება ურთიერთმოლაპარაკების გზით. შეთანხმების მიუღწევლობის შემთხვევაში მხარეები უფლებამოსილნი არიან მიმართონ საქართველოს სასამართლოს.

17.2 ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით, მხარეთა ან მათი უფლებამოსილი წარმომადგენლების მიერ ხელმოწერით.

17.3 მხარეები უფლებამოსილნი არიან მოშალონ წინამდებარე ხელშეკრულება ცალმხრივად, თუ მეორე მხარე ვერ უზრუნველყოფს ნაკისრი ვალდებულებების ჯეროვან შესრულებას ან საქართველოს კანონმდებლობით გათვალისწინებულ სხვა შემთხვევებში.

17.4 ხელშეკრულება შედგენილია ქართულ ენაზე ორი ეგზემპლარად და თითოეულს გააჩნია თანაბარი იურიდიული ძალა.

18. მხარეთა რეკვიზიტები:

„შემსყიდველი“:

„მიწოდებელი“:

ა(ა)იპ „თბილისის საბავშვო ბაგა-ბაღების მართვის სააგენტო“

შპს “ფრესკო შოპინგ ცენტრი”

მისამართი: ქ. თბილისი, მიცკევიჩის

მისამართი: ქ.თბილისი გორგასლის ქ.N61

ქ. N29-29ა; მე-3 სართული;

საბანკო რეკვიზიტები: სს „საქართველოს ბანკი“

საბანკო რეკვიზიტები: სახელმწიფო ხაზინა

ბანკის კოდი:

ბ/კ TRESGE22

BAGAGE22

ა/ა GE24NB0330100200165022

ა/ა GE95BG0000000336676400

ს/კ 404905475

ს/კ 406092570

დირექტორი

კორპორატიული გაყიდვების სამსახურის უფროსი



კახაბერ გვანცელაძე

მაკა ჯანდიერი

N	საქონლის დასახელება	საქონლის მახასიათებლები	რაოდენობა	განზომილება	მწარმოებელი ქვეყანა	მწარმოებელი კომპანია	ერთეულის ფასი დღგ-ს ჩათვლით	საერთო ფასი დღგ-ს ჩათვლით	CPV
1	სველი ხელსახოცი	8697420533618 კომპაქტი WW-150 ზავ.სვ. ხელ. ოტომანი 100 ც	50	ცალი	თურქეთი	შპს კომპაქტი	4.2	210.00	39500000
2	ჭურჭლის სახეხი მავთული	4023103210370 ვილედა სახეხი ფოლადის სპირალისგან №2+1	10	შეკვრა	გერმანია	შპს ბიემესი	6.1	61.00	39800000
3	მაგიდის საწმენდი ტილო	4823017400023 მელოჩი ფიზნი საწმენდი უნივერსალური 3	10	შეკვრა	თურქეთი	შპს ლიბო გრუპი	2	20.00	39500000
4	იატაკის საწმენდი ტილო	5903355009733 მოპი 9733 იორკი - პრტყელი მოპი სალსა ტელესკოპური ჯოხით (50)	20	ცალი	რუსეთი	შპს ზახარ	22.9	458.00	39500000
5	შუშის საწმენდი ტილო	7290012514227 ზაგი ტილო მიკროფიბრა, იატ/ტილო 50/80 1ც (კლექტიანი) (დიდი) 205	10	შეკვრა	ისრაელი	შპს პრემიუმ კლასი	7.75	77.50	39500000
6	იატაკის ჯოხის ტილო	8001940006659 მოპი "აქტივ მაქს მოპი" (სათ) ვილედა	20	ცალი	გერმანია	შპს ბიემესი	25.9	518.00	39500000
7	სიფი	8712561454216 სიფი კრემი ამიაკი საწმენდი საშუალება 500 მლ	10	ცალი	თურქეთი	შპს შარმ ტრეიდიინგი	3.4	34.00	39800000
8	იატაკის საწმენდი ჯოხი	4023103000032 მოპი "აქტივ მაქს მოპი" ფიქსირებული სახელურით	3	ცალი	გერმანია	შპს ბიემესი	49.95	149.85	39800000
9	ქლორი	8690511183716 აზც სარეცხის მათეთრებელი 1000 გრ ზემზეაზი	10	ცალი	რუსეთი	შპს ევი თბილისი	2.4	24.00	39800000
10	კროტი	4850003980252 კროტი 0,6 კგ	20	ლიტრი	რუსეთი	შპს დომოქიმი	3	60.00	39200000

საერთო ფასი: 1612. 35 ლარი



ა(ა)იპ თბილისის საბავშვო ბაგა-ბალების მართვის სააგენტო
N(N)LP TBILISI'S KINDERGARTEN MANAGEMENT AGENCY



წერილის ნომერი: 66-01193102686
თარიღი: 06/11/2019

ადრესატი:

კახაბერი გვანცელაძე
ა(ა)იპ თბილისის საბავშვო ბაგა-ბალების მართვის სააგენტო-დირექტორი

ბატონო კახაბერ,

მოგახსენებთ რომ, სააგენტოს გამართული ფუნქციონირებისათვის
ესაჭიროება შემდეგი სამეურნეო და სან-ჰიგიენური საშუალებების შესყიდვა;

1. კროტი (1 ლიტრა)_20ც.
2. ქლორი(1 ლიტრა)_10ც.
3. სიფი(1 ლიტრა)_10ც.
4. შუშის საწმენდი ტილო(დიდი)_10შეკვრა.
5. მაგიდის ტილო(უბრალო)_10ც.
6. იატაკის ტილო(დიდი)_20ც.
7. იატაკის ცოცხი(რბილი)_5ც.
8. პოლის ჯოხი_3ც.
9. პოლის ჯოხის ტილო(პატარა)20ც.
10. სახეხი მავთული_10ც.
11. სველი სალფეთქი_50ც.

თქვენი თანხმობის შემთხვევაში გთხოვთ დაავალოთ შესაბამის
განყოფილებას საჭირო ღონისძიებების განხორციელება.

პატივისცემით,

იმედა მარაიძე

ა(ა)იპ თბილისის საბავშვო ბაგა-ბალების მართვის სააგენტო-ადმინისტრაცია-დამხმარე სპეციალისტი
(სამეურნეო და მატერიალურ-ტექნიკური უზრუნველყოფა)